

Dua pelari pecut serikan temasya olahraga SUKIPT

DUA pelari pecut kebangsaan, Mohd Zabidi Ghazali dan Zabidi Ahmad serta jaguh lompat bergalah, Roslinda Samsu (*gambar*) antara atlet yang akan membintangi saingan Kejohanan Olahraga pra Sukan Institusi Pengajian Tinggi (SUKIPT) pada Sabtu dan Ahad ini.

Mohd Zabidi dari Universiti Malaya (UM) pemenang 100 meter dan Zabidi dari Universiti Putra Malaysia (UPM) mengungguli 200m pada saingan olahraga Masum di Johor, baru-baru ini.

Kejohanan balapan dan padang Universiti Putra Malaysia (UPM), Serdang dua hari itu turut menjadi platform memilih atlet mewakili negara ke Sukan Universiti Asean (AUG) di Laos, Disember ini.

Turut sama bersaing, dua pelari kuartet 4x400 meter, Yuvaaraj dan Kanathesan selain pelompat jauh, Noramira Mohd Nafiah serta pelari jarak pertengahan wanita, G Mathi.



Sebanyak 17 acara lelaki dan wanita bakal dipertandingkan dengan 195 pingat keseluruhan ditawarkan.

Selain pasukan IPT Awam dan Swasta seluruh negara termasuk Politeknik dan Kolej Komuniti, penganjur turut menjemput beberapa pasukan elit dan pelapis Majlis Sukan Negara (MSN) serta Angkatan Tentera Malaysia (ATM) dan Polis dalam usaha menjadikan persaingan lebih menarik dan kompetitif.